



GOUVERNEMENT DE LA  
NOUVELLE  
CALEDONIE



RÉPUBLIQUE FRANÇAISE

# NENGONE

# GUÀ GUTUSI N'E KONEKATU SO CECEN NE HMAIEN N'ORE MOROW

*Nodei cecene ne hmaiien,*

*Ore guatusi son'ore thubenelo hna  
yeno ri 3<sup>e</sup>, ci tubuhnidé co kano  
ahngane du buhnijengo ore la  
ureye ne la hueti nore 'ma yeno ri  
Kaledronia ne Loyalty.*

*Seseko, ore ci ure alaiene sen'ore  
nodei morow, deko ma hna uni  
tharaneso wene ri 'ma yeno, ke  
roidi ta nodei uane ni buhnijengo ri  
pon'ore la ininatan, la thuni, ne ilore  
ta uane ni buhnijengo ri pon'ore ta  
nodei hnapane ne ta nodei ruace ri  
hnoren'ore 'entreprise',  
se nidi ace joko.*

*Ore guatusi ome bane konekatu  
buhnijengo coule treden'ore ta nodei  
morow co thuni ureye ore ta alayene  
ni buic, ma ha co pina ri 'ma yeno me  
hma. Bane konekatuone joko ore ta  
nodei enengoco hna kanone hnei naca  
yeno me hnadan, ore Psy En ne ilore  
yenecene me hma ri 'ma yeno, ne ilore  
ta nodei enengoco nore CIO.*

*Ore guatusi ome hna ureye pene  
dripu, pene nengone, pene ajie ne  
pene paici.*


*Ehnnijengo se ci uroyone kore guatusi  
ome se nekonekatu me nidi ace hna  
tuo ahngane du buhnijengo ore nodei  
len, ne nodei netit, son'ore nodei  
morow thubenelo hna yeno i 3<sup>e</sup>.*

Jean-Charles Ringard

Vice-recteur  
de la Nouvelle-Calédonie  
Directeur général des enseignements

Thubenel'ore hna ieno ri

3e



KORION KORE CO UREIE ORE M'A IENO LEWE ORE ALAIEN'ORE IENO NO MOROW

**AFFELNET LYCÉE - PALIER 3<sup>e</sup>**



NOUVELLE-CALÉDONIE

## Ne konekatu ne bane aehngeni roion'ore hna ieno re ureie lew'ore alaien'ore morow son'ore thubenel'ore 3<sup>e</sup>

- Co hue du la thu co konekatu inu co ureie ore m'a ieno me icojeu neil'ore nodei ieno hnega hna ureie ? 3
- Nodei ledran bane konekatu inu co ureie ore m'a ieno me icojeu neil'ore nodei alaieni inu asel'ore 3<sup>e</sup> 3
- La kore thuni co ureie ne co iosse ore nodei ledrane ome ? 4
- Choix d'orientation : les étapes clés 4  
Ci hue yawe jew'ore hna eked.  
Ci ieno yawe ri m'a ieno me saso, sa yawe kore kenereken.  
Co thaetiko ri hna ieno.
- Gula ezien'ore ureie ore hna ieno me hma thubenel'ore 3<sup>e</sup> 5

## Korion kore co rue ne ci ieno ri hna ieno me hma : AFFELNET palier 3<sup>e</sup>

- Son'ore co kedi ore alaien'ore morow 6
- Bane ule ko morow numu guhne ri hna ieno bone hna ureie 7
- Ci acikacen'ore yelen'ore morow ri m'a ieno hne ureie 7

## Nodei ledran ni morow me thuni co ureie :

- Lene ri ieno ngome nata (voie générale) ne
- Lene ri ieno ahnengomeni ore ngome nata(Technologie) 8  
Nodei ieno osoten (EE) 8  
Hna ieno ubuti (sections européennes) 9

## Ureie ore len'ore hna ieno ci ienone co ruace.

- Ahnengomeni ore hna ureie ri ci ieno 11

## Nodei pengeni osoten

11

- Nodei morow weneri dispositifs spécifiques
- Ta nodei ru ieno ubut
- Ieno whanelo yawe lene ri hnen'ore hna ieno

## Bane laekhan'ore rue ieno

12

Necen me hma n'ore hna rue ore qua tusi : Le vice-recteur, directeur des enseignements de la nouvelle Calédonie, Jean-Charles Ringart-Flament. Hna rue ore qua tusi ome ne thu xiwamomon : Saio, IEN-IO, Jean-Paul Ayaaleng, chef de service Zhor Gable, COP Aurélien Vandrisse. Hna rue : Pro Création. La ureie : hna ureie hnen'ore Tacaer n'ore la nengoce ni eje pene dridri no omei kaledrona, hnei Etoroi Doriane. Impression : la direction des achats, du patrimoine et des moyens du Gouvernement de la Nouvelle-Calédonie.

# leno hna ureie son'ore thubenel'ore 3<sup>e</sup>

Morow bua ci ieno ri 3<sup>e</sup>, melei ore m'a ieno me nidi ace wen'ore ci ureie nodei ieno ni morow ne ilek'ore nodei ma ieno me icojeu.

## Ci hue du la ne o kore guhne me thuni co konekatu inu ri pon'ore ieno hnagu hna ureie?

Bane ngoronatan'ore co anengomeni ore nodei alaieni morow, melei bua thuni co hue ri m'a ieno ni wa morow bua co ethanata ne il'ore naca ieno ni wa morow bua, ne konekatu nore 'psychologue de l'éducation nationale' ne thuni co hue jew'ore nodei eked ni hna ieno.

### Ore « psychologue de l'éducation nationale (Psy-En) »

Thuni co konekatuon'ore wa morow bua co anengomeni ore nodei alaieni bone, huelo jok'ore singen'ore morow, nodei alaien ni bone ne huelewe joko ore pengene n'ore hna ieno ni bone ne.

Ngei me ko nge, thuni co konekatu bone neil'ore ta nodei hneng ri pepa bone co cedi.

Bua thuni co hue i:


« **Centre d'Information et d'Orientation de Nouméa (CIO)** » à numea, cange me thuni joko co kaie jew'ore ta nodei « antenne », sone co si ore rane thu ethanata neil'ore ta ngome ci ruace eloi, cange me thuni co ieie ri nodei gutusi cange me ri "internet" son'ore bane konekatu bua ne wa morow bua co cedi ore ta nodei hneng.

Bua thuni joko co hue co there ri site ni « **Onisep** » [www.onisep.fr](http://www.onisep.fr) thu co ie pengen'ore ne cedi ore ta nodei hneng bua ri pon'ore ta nodei ruace, ne ilate kore ta nodei hna ieno.


Ore gua tusi n'omei lakedronia « **Après la 3<sup>e</sup>** » « ri thubenel'ore 3<sup>e</sup> » hna rue hnei SAIO ni Vice-rectorat, ne hna ethawan du ehna morow no 3<sup>e</sup> hnenn'ore naca ieno ni buice bane son'ore co aengeni du buice ore ta nodei ieno me thuni co rue ne ileko ore nodei m'a ieno, icojeu neil'ore alaien ni buice.

→ thuni co ieie ri pepa hna acikacen ko 12

## Nodei ledran re ureie thubenel'ore 3<sup>e</sup>



<sup>1</sup> Koné, Poindimié, La Foa, Lifou



## Lakore thuni co iosse ore nodei ledrane ome ?

Ore ci ure yeno ne hna ieno, melei numu so :

- Wa morow ne rekhan bone.
- Nodei naca ieno, naca ieno ni morow, « conseiller d'orientation psychologue », ne necen'ore ma ieno.  
Buice ci kanon'ore ta nodei uane, ta ne konekatu ne ci cedi ore ta nodei hneng ri pon'ore sibo ni morow, thu co konekatu bone co aiuni ore ta ieno hnei bone hna ureie.
- Le vice-rectorat, en particulier le CIO.»

## Co ureie ore ieno ne hna ieno ni morow: Nodei ace co hue lewe

Ore so « **conseils de classe** » (ekedeti ore hna ieno hnei morow) melei nidi ace son'ore co konekatuo morow co ureie roion'ore alaieni bone.

Ripon'omelei, numu pepa « **Fiche dialogue** », co kokonon, son'ore bane aehngeni ne ie pengene ore ta nodei alaien ne uane ne son'ore joko ore ci tusi du buhnijengo kei hnaieno.

### Ngei me deko ma kedi ore uane cangame alaienen ngei

Ngei me deko ma kedi ore uane kei morow ne rekhan bone ri pon'ore « **conseil de classe du 3<sup>e</sup> trimestre** », melei thuni co sibon co athanatati nell'ore necene me hma nore 'ma yeno.

Thubenelo melei thuni co cengi loronebuti ore lore ne asesekoni ri pepa ne sia rusi du rekhan.

**Ngei me deko ko ma kedi ore uane melei rekhan thuni co hue yawe co ethanatati ne ore necene me hma nore 'ma yeno, ri tinion'ore rane, thubenel'ore hna eked.**

Ngei me ci alane ko co iu kore hna ceja uane, roidi melei co ule tedrene ko roi :

- 1) Ore alaien ni morow melei hna xiwamomon ri pon'ore « **fiche dialogue** ».

Roidi, deko yawe co yara cejan.

2) Ngei ma ha numu alaien me sa oden, melei deko yawe ma numu co xiwamomon yawe ore se alaien me rewon.

**Thubenel'ore re tinon kore rane hna eked neil'ore necen'ore m'a ieno, thatuniko yawe co cejan'ore alaieni morow.**

Cecen ne hmaien, neil'ore morow me be deko ma 18 (ruenine sedotini) kore kenereken, cange ngei me morow ma ha ngome nata (thawalan'ore ruenine sedotini kore kenereken) thuni co eked neil'ore naca ieno, necen'ore m'a ieno ni bone, roidi co xiwamomo tusi du necen'ore eked.

**Ore hna emaneti ri hna eked, deko yawe ci cejan ka ororebuti melei necen'ore hna ieno ci sian'ore tusi hna xiwamomon du rekhan.**

### Ci ieno yawe ri m'a yeno bone.

Ore co ieno yawe sa kore kenereken ri m'a ieno me saso melei thuni, kedi, ngei cecen ne hmaien ne il'ore necen'ore hna ieno ci ule ko deko hna kedi kore alaien'ore morow ri hna ieno hna sibon.

Melei ore rekhan thuni co sibon du ore necene me hma nore 'ma yeno, cange me co ekedelo yawe neil'ore « commission d'appel ».

**⚠ Deko co carajewe menuon neil'ore ci sibon kei naca ieno ko dai co ieno yawe ri m'a ieno bone sa yawe kore kenereken.**

*H(lew'ore article D331-62 nore hna anetitini nore 'ma yeno) me hna iepengen'inome ko :*

« (...) ngei ore morowe ma ci ushiwa co carajewe roion'ore ta nodei ininata, numu ta nodei hna anetitini hnei 'ma yeno ci tubuhnde co goro bone bane konaketu bone ri ta nodei ruac'omelei. (...) ke roidi ngei ma dekoko hna thuni co konekatuo'ore morow (...), melei thuni kei morowe co menenge sa yawe kore kenerekene ri 'ma yeno, lew'ore hna aedeni hnei necene me hma nore 'ma yeno. Ore uan'omelei ci ureye thubenelo hna ethaberedre ne ilore morowe ne ta nodei kane ni bon (...) ne thubenelo ta hna anetitini hnei 'conseil de classe'. Ore necene me hma nore 'ma yeno ci aehngeni du nodei kan'ore uane hna yose ko co menenge yawe sa kore kenerekene ri 'ma yeno (...). Ke roidi nodei kane netiti co beredre pengen'ore uane buice ngei me ci udi'ore hna anetitini hnei 'conseil de classe' (...).

Ngei wa morow bua me hna sibon'ore ta m'a ieno n'ore hmi, melei co canga hue co ule ne DDEC, ASEE cange me FELP son'ore co aienoni ore morow bua ri



## Nodei gula ezien bane ureie ore ieno ni morow ri 3<sup>e</sup>

Rewon'ore tini kore cekol n'ore kenereken	Julay	Nodei alaien hna ureie	Morow neil'ore rekhan ci ureie ore ieno ni morow ci alane, thubene'l'ore 3 <sup>e</sup> ri pon'ore « <b>Fiche de dialogue</b> » hna kanone hnei naca yeno. Melei kore lene me hnadan ni rekhan nemorow du m'a ieno.								
	Ogos	Alaien ne uane hnei m'a ieno	Hue lewe ore alaien'ore morow ne il'ore rekhan bone, hna ieno ci xiwamomon'ore alaien'ore morow ri pepa, kedi thuni ko co cejan yawe.								
	Okotroba	Ureie ore ieno	Morow neil'ore rekhan ci acikacen'ore nodei alaien ri pon'ore : → « <b>Fiche de dialogue</b> », co ureielo ko ngei: - 2 <sup>de</sup> générale technologique, - 2 <sup>de</sup> professionnelle, - 1 <sup>re</sup> année de CAP. → Ri pon'ore « <b>fiche de vœu</b> » <b>AFFELNET palier 3<sup>e</sup> bane</b> asesekoni ore yeno hna ureie hnei morow neil'ore m'a ieno ne nodei ieno me icojeu hneil'ore alaieni bone.								
	Noveba	Hna ureie hnei « conseil des classes » ri pon'ore ieno hnei morow	<table border="1" style="width: 100%; border-collapse: collapse;"> <tr> <td style="width: 50%; padding: 5px;">           Ngei me ci kedi ore uane kei rekhan         </td><td style="width: 50%; padding: 5px;">           Melei ore hna ureie hnei « <b>conseil des classes</b> » melei ci kedi joko kei necen'ore m'a ieno ke thathuniko yawe co cejan.         </td></tr> <tr> <td style="padding: 5px;">           Ngei me deko ore uane kei rekhan         </td><td style="padding: 5px;"> <b>Melei dai co eked hneil'ore necene me hma nore 'ma yeno</b> </td><td style="padding: 5px;">           Rekhan ci kedi ore uane ni necen'ore m'a ieno :  Ore uane canga asesekoni ne kedi joko hnei ore necene me hma nore 'ma yeno.         </td></tr> <tr> <td></td><td></td><td style="padding: 5px;">           Ngei me deko ma kedi ore uane kei rekhan melei rewe kore thuni co rue: - « <b>Comission d'appel</b> » hna eked bane ethanata ti yawe - Rekhan thuni co sibon ko morow co dai yenolo yawe sa kore kenereken ri m'a ieno bone.         </td></tr> </table>	Ngei me ci kedi ore uane kei rekhan	Melei ore hna ureie hnei « <b>conseil des classes</b> » melei ci kedi joko kei necen'ore m'a ieno ke thathuniko yawe co cejan.	Ngei me deko ore uane kei rekhan	<b>Melei dai co eked hneil'ore necene me hma nore 'ma yeno</b>	Rekhan ci kedi ore uane ni necen'ore m'a ieno :  Ore uane canga asesekoni ne kedi joko hnei ore necene me hma nore 'ma yeno.			Ngei me deko ma kedi ore uane kei rekhan melei rewe kore thuni co rue: - « <b>Comission d'appel</b> » hna eked bane ethanata ti yawe - Rekhan thuni co sibon ko morow co dai yenolo yawe sa kore kenereken ri m'a ieno bone.
Ngei me ci kedi ore uane kei rekhan	Melei ore hna ureie hnei « <b>conseil des classes</b> » melei ci kedi joko kei necen'ore m'a ieno ke thathuniko yawe co cejan.										
Ngei me deko ore uane kei rekhan	<b>Melei dai co eked hneil'ore necene me hma nore 'ma yeno</b>	Rekhan ci kedi ore uane ni necen'ore m'a ieno :  Ore uane canga asesekoni ne kedi joko hnei ore necene me hma nore 'ma yeno.									
		Ngei me deko ma kedi ore uane kei rekhan melei rewe kore thuni co rue: - « <b>Comission d'appel</b> » hna eked bane ethanata ti yawe - Rekhan thuni co sibon ko morow co dai yenolo yawe sa kore kenereken ri m'a ieno bone.									
	Driseba	Affection et inscription administrative	Ci ie ahngan ne aehngeni jew'ore rekhan'ore cedi hnei m'a ieno. Melei co canga hue jew'ore m'a ieno hna sibon co canga acikacen ne rue ore so pepa son'ore morow bua co numu te guhne. <span style="color: red;">⚠</span> Ngei me tako kore so pepa melei morow deko guhne ri m'a ieno hna sibone.								

# Co ieno ri m'a ieno me hma asel'ore hna ieno i: **AFFELNET palier 3<sup>e</sup>**

Nodei hna ieno thuni co rue lene ri ordinater « Affelnet » son'ore co kokonon'ore so pepa son'ore hna ieno me kabesi aselo re 3<sup>e</sup>.

Ore nodei alaien'ore morow hna xiwamomon eloi, melei ekowesese neil'ore hna kokonon ri pepa « Affelnet palier 3<sup>e</sup> » inomeko ore hna anetitini.

## INFO +

### Nodei guhne thu co thaetiko ri hna ieno

Thuni co acikacen'ore sibo thu co numu te guhne re thaeti hna ieno, ri pon'ore « Fiche de vœu » AFFELNET post-3<sup>e</sup>, roidi hna ieno ko kore ci musion.

Co ethanatiko ne buice, thu co ule ko korion kore ci rue ore ta so pepa thu co numu te guhne re thaeti kore morow.

Nidi ace joko kore co ie ahngan du buice ore guhne ci menenge ile kore morow, ne korion kore morow ci hue co ieno, la kore ci cue bone.

### Nodei ace me se pengen :

- Nodei morow me se daden me se pengen
- Hna ureie ore ta ieno ci rue ko ri ta node aceni.
- Ci hue yawe co rue ieno whanelo yawe ri hnoren'ore ci ieno.

Co ieie ri pepa 11

### Son'ore co kedi ore alaien'ore morow:

« AFFELNET PALIER 3 » melei son'ore co wasan'ore ehna morrow lew'ore hna ieno ni bone ne ilek'ore nodei alaieni bone.

Ore alaien'ore morow ri hnoren'ore sa kore hna ieno melei ci hue lewe ore ta nodei so hna anetitini inom ko :

- hna anene ore nodei alaien
- Ore guhne bone ci menenge ile
- Ore ieno ni bone
- Ore hna ieno ni bone (3<sup>e</sup> générale, DP6, PDMF, SEGPA, ULIS, DIMA, cange deko ci ieno.)
- Cedi n'ore necen'ore m'a ieno
- Ko ilo kore ciroi ni morw, morow roi deko ma uedr (uedr ru gula hnengome, uedr, hna iara ceja ma ieno ngei).

Son'ore nodei hna ieno no 2<sup>de</sup> GT (ieno ngome nata ne ahnengomeni ore ngome nata) cange me ieno ruace « voie professionnelle », numu ta nodei coefficients ne nodei EE ri pon'ore nodei rue ieno.

Thunin co rue lew'ore hna anetitni ri hna eked « comission ».

## **Soten'ore ci rue ieno melei ci huelewe joko ore hna ethanata seseon ri ci eked (commissions de pré-admission) dan'ore co ureie ore m'a ieno :**

- CAP Agent de sécurité : (ci cume) melei ri hna ieno : Lycée Petro Attiti, Lycée Johanna Vakié (DDEC)
- 2<sup>de</sup> professionnelle Métiers de la sécurité : (Nodei ruace ri hnoren'ore ci cume ne ci c'a gorene) ri hma ieno Lycée Petro Attiti
- 2<sup>de</sup> GT avec l'EE Création et Culture Design : Lycée Jules Garnier
- 2<sup>de</sup> adaptée<sup>2</sup>: Ri hna ieno Do Kamo

**Dispositif d'excellence<sup>3</sup>** : Son'ore ehna morow me nidi roi kore ci ieno ngome nata.

- **Juvénat** : Lnodei hna ieno Lycée Lapérouse, Lycée Jules Garnier, Lycée Blaise Pascal (DDEC), Lycée Do Kamo (ASEE). Ehna morow ci thaeti ne kodraru sese so ri hna ieno re thaet i Lycée La pérouse.

→ **Index Nord** : Lycée Antoine Kéla

## **CHAM<sup>4</sup> (Classe à Horaires AMénagés) :**

- **Lycée Blaise Pascal** : Badminton, Cyclisme, Equitation, Golf, Surf, Judo, Voile.
- **Lycée Grand Nouméa** : Karaté, natation (Pôle Océania Espoir), judo, handball féminin et rugby.
- **Lycée La Pérouse** : Baseball, Escalade, Escrime, Tennis de table, Tir à l'arc, Squash, Voile.

**Option facultative sport<sup>5</sup>** (ancienne sections sportives) :

- **Lycée Jules Garnier** : Football, Athlétisme, Rugby
- **Lycée Michel Rocard** (Pouembout) : Voile
- **Lycée Do Kamo** : Football (Filles et Garçons)
- **Lycée Anova** : Football (à confirmer auprès du lycée)

*Ngei me ci alane co there hmaiaionelu melei thuni co hue netiti jew'ore necen'ore hnā ieno.*

*Ngei me ha hna kedi kore hna ieno ore alaien'ore morow melei ci xiwamomon ne thuni co aehngeni du eje lene ri « AFFELNET ».*

<sup>2</sup> Kenereken son'ore co konekatuon'ore ehna morow me ci alane co ieno ka nidi ushiwa ne kurehmug kore ci carajewe son'ore bane rolate co ieno ri 2<sup>de</sup> GT.

<sup>3</sup> Son'ore ehna morow hna ureie me nidi roi kore ci ieno ngome nata son'ore co konekatu buice co pinate ri co seron'ore ta hnapan me hma.

Ngei me ko kae pengene kore hna ure ieno ni morow, roidi ci ule ore yeno hna ureie dane ri whane caa pina ri hna dirin.

Ngei ma ha hna ureie kei morow ore alaien'i bone, deko yawe co yara cejan.

⚠ → **Ngei me deko hna rue ne kokonon'ore so pepa bane son'ore guhne, ni morow ri hna ieno, melei morow deko guhne ri m'a ieno melei.**

## **Bane ule ko morow numu guhne ri hna ieno bone hna ureie**

Hna ieno ko ni morow kore ci auaneni ore pengen'ore hna tubuhnid ri pepa ko roi cange tho (Diplôme National du Brevet) ri ronocemen sedorew n'ore driseba.

## **Ore ci acikacen'ore morow ngei ma numu guhne ri m'a ieno**

Ngei me ko roi numu guhne kei morow ri hna ieno bone hna ureie co canga rue ibetuon'ore so pepa ne ibet co cue ri hna ieno ni bone me kabesi.

→ Bane konekatuon'ore cengo m'a ieno ne rue pepa so morow ci menenge maduo i kalekronia ca ri loyalty, melei nodei necene n'ore hna ieno ko kore ci rue se ineko ko ehna morow ci ieno yawe ri hna ieno bone yawe sa kore kenereken<sup>6</sup>.

⚠ → **Son'ore nodei rekhan ci meneng i numea, melei buiceko kore ci hue jew'ore so nodei hna ieno hna ureie hnei morow, son'ore co ule ore guhne ni morow ne ilek'ore so pepa re rue.**

<sup>4</sup> Son'ore ehna morow me nidi roi kore ci rue eleda son'ore buice thuni co ieno ne ci rue elda joko.

<sup>5</sup> Son'ore ehna morow me nidi roi kore ci eleda.

<sup>6</sup> Melei inom'ore hna beredron hnei vice recteur ri sedosa n'ore cekol julay n'ore kenereken 2016, ri pon'ore ci ureie ore ta ieno me hma.

# Hna ureie ore rue ieno ngome nata (Générale) ne rue ieno ahngenomeni ore ngome nata (technologie) (2<sup>de</sup> GT)

Ngei me ha hna iosse ore len'ore ci ieno ngome nata ne ci ahnengomeni ore ngome nata (En voie générale et technologie) melei ekowesese so kore ci ieno buice roidi thuni joko co ureie ore ta alaien son'ore se ieno osoten. (Enseignements d'Exploration).

Ore nodei ieno omelei (EE) bane son'ore morow thuni yawe co etanone joko ore ta ieno osoten cange me bane lae khan'ore ta hna thuni ni buice. Ta EE deko ci ahngate ri AFFELNET. Ke roidi bane ule pengen'ore ta yeno osoten.

**Ore qua gutusi ome « Après la 3<sup>e</sup> »** ci aehngeni ore ta nodei ieno ne ileko ore ta nodei hna ieno me icojeu ne ile.

\* Vœu : ore alaiene ni morowe ne ta nodei kani bon

## Nodei ieno osoten

### *Les enseignements d'explorations (EE)*

Ore nodei ieno osotene ngei hna ureie melei dekodi ri se hna ieno.

Hulu osotene ngei ore ta hna ieno ha deko guhne, deko ma kueil so ehna morow ileoden.

Thuni co kedi so ore ta morow me nidi roi kore ci ieno, soten ci iosse ore ehna morow hna sibonlene ri hna eked. « **comission** » (thuni co ule hmaiaionelu ri rue pepa 9-10).

**Hna ureie ore 2<sup>de</sup> GT :** Ore morow hna ureie ore 2NDE G (ieno ngome nata) et T (ahnengomeni ore hna ieno ngome nata) melei thuni co cisen'ore ieno ni bone ri hna ieno hna ureie.

**Ore ci sibo hna ieno kabesi melei ci siboneko ri hna ieno hneren ni morow.**

Morow me ci alane co rue ore me deko ci rue kore hna ieno, melei ci da ri pon'ore ehna morow soten ci sibon joko.

## VERS LE BACCALAURÉAT 2021

⚠ → Ore ta hna anetitini me kabesi son'ore BAC ri 2021 ci ujeni eje co cejan'ore ta nodei ininata ne ta nodei la rue nore 'ma yeno.

**Ri kenerekene 2019**, ore 'ma yeno no '2<sup>nd</sup>' ha numu ta la rue me kabesi bane konekaton'ore hna anetitini me kabesi sen'ore BAC no 2021 :

- Numu ta tubuhnidé ci kanone ri ci rolo ri '2<sup>nd</sup>' ri 'français' ne 'mathématique'.
- Numu ta ininata me kabesi ci kanone du nodei morowe bane tace ri la beredre ne la xiwaimomo.
- 54 kore ade kacene hna ane bane ureye ore 'ma

yeno buice ci alane ri 1<sup>er</sup>.

Ri kenerekene 2020, nodei morowe ci yose ore '**voie générale**' ha ci whane co hngoronatan'omelei ri 1<sup>er</sup>.

→ *Bane carajewe roion :*  
<http://www.education.gouv.fr/>

→ *ne bane kane yawe*  
<http://www.onisep.fr>

Ngei ore se morow me ci alane co rue ore se ieno ri se hna ieno ko melei co sibon co rue ore pepa ni « demande de dérogation » ore tane melei co ule ri pepa 9.

Ke roidi numu ta nodei EE me deko ci ahnga ri ta 'ma yeno osoten :

Ore rue ieno « Création et culture design », melei hmaiai kore hna ieno co rue ore ieno omelei son'ore ileoden co numu te guhne.

Ileoden'ore ehna morow thuni co rue ore ieno ome, deko pengen kore co rue pepa ngei bone me se iledi ri se hna ieno.

Ngei me ci alane co rue, melei co iossé ore so pepa ko ri hna ieno me hneren ni morow.

→ **Sa kore morow melei thuni co ureie tini kore alaien. Nidi ace co xiwamomon ri wabubun'ore alaien me deko ri hnaieno bone ci alane, sonedi ore co cori ore guhne.**

Ngei ore ta alaien'ore morowe ma tako ri pon'ore ta nodei netiti hna kanon, ci sibone co ule pengene ne ilore CIO bane tubuhnidé co there pengen'ore guhne me icojewe so bon.

### **Nodei hna ieno ubut**

#### **«Les sections européennes»**

Deko ci hue co sibon co ieno ubut ri faras ngei ri « AFFELNET », ke sone so ri 2<sup>de</sup> GT. (leno ngome nata ne ieno ahnengomei ore ngome nata)

Ngei me ci alane ko morow bua co ieno ubut ri faras ngei , melei co ule netitoneko nei'ore hna ieno ubut.

Thuni co eto lenen sei hna ieno ni morow ne ileko ore hna ieno ubut hna sibon hnei morow.

### **INFO +**

**Ci sibonedi co « rue dérogation » co rue ore ta so pepa thu thuni te co okonelo ri hna ieno 2<sup>de</sup> GT (ieno ngome nata ne hna ieno ahnengomeni ngome nata) ri nodei hna ieno n'ore ledran.**

Ore « Demande de dérogation » ru pepa thu numu te guhne kei morow ri se hna ieno ko melei ci ethanatati yawe ne dai ci ule pengen yawe, huelewe ore so guhne ri hnaieno hna ureie.

Ore nodei hna sibon melei ci ule pengen ne dai ci ethanatati dane inom hue lewe ore ta pengen inom ko :

- Morow ci ieno ngei ta numu ci numu uedre ri gula hnengome. (en situation de handicap)
- Morow me roi co ule tedrene ko kore ta nodei droketra.
- Morow me ci kedi hne konekatu (boursiers)
- Morow me numu sa kore acereleuiane cange me ta wa isingene be me ci ieno ko.
- Ehna morow me ci menenge ko sei cecen ne hmaien, ke roidi hnameneng acene ko ore hna ieno me kabesi hna sibone.
- Morow me co iose ore se lene ko son'ore ieno ni bone.

*Bane auwaneni yawe : Ore rekhan thuni co sibon ko ore se hna ieno ko, ngei bone me ci alane. Roidi, buice ko kore ci hngoronatan ne co ule pengen'ore ta so pepa re rue.*

Ore nodei tane co xiwamomonelu ri pepa « Fiche de demande de dérogation » hna kanone hnei hna ieno, thubenelo melei dai co icanone yawe ore so pepa hna sibon.

Thuni co ureie hmaiai kore alaien.

⚠ → Ngei me ko roi kore sibo ri pon'ore pepa « Demande de dérogation », melei dai co ule joko ko numu ko guhne ri hna ieno hna sibone hnei morow.

# Ci ureie ore ieno ci ienon co ruace « Voie professionnelle »

Ngei me hna iosse ore lene ore ci « ienon co ruace », melei deko « ci ithuba » *sectorisation*.

Bane hngoronatan'ore co ureie roion'ore ieno, meleicikano enengoco, seinekonomu ta rane hna ureie son'onomelei whane ri cekol julay son'ore bane konekatu morow ne rekhan co ule ne co carajewe roion' ore nodei ieno hna alane co ureie kei morow.

Numu joko ta so « mini -stage »ci nue ne ci toe du ehna morow me ci alane co ule hmaiaionelu ko korion kore ci ruace ne dai co tubuhnid co ahnengomeni ore ruace buice hna ureie. Roidi co eton ko du hna ieno ni morow.

Osoten ngei melei ci iothi morow lew'ore so tubuhnid.

Thuni co ule hmaiaionelu ri hnoren'ore nodei pepa 9-10.

⚠ → **Roi co ureie tini kore alaien, sone co ngei ma deko me deko ri se hna ieno kore alaieni morow, roidi numu di ngei ore alaiene osoten hna ureie. Thuni co xiwamomon'ore econ'ore alaieni morow ri pon'ore ieno ni bone, roidi co sibon'ore « 2<sup>nd</sup> GT générique » ni hna ieno, ngei me ko deko hna kedi kore nodei alaieni bone osoten.**

**Ma ha ahnga kore thuben'ore hna tubunid ri ruenine sedong n'ore driseba melei co ule tini kore pengen :**

• **Hna kedi ore alaieni bone :** Melei co canga ibet co rue ore so pepa ri hna ieno me kabesi. Ngei ma deko hna hmijocon'ore so rane hna anetitini , melei morow deko guhne, ore guhne ni bone, co kanonedii jew'ore se morow di.

• **Bone ile joko ri « liste supplémentaire »**, melei ore yeleni bone melei joko hna nue ri hna ieno son'ore sa ngei kore morow ma ha ci okonebuti yawe sereti hna ieno melei, morow bua, thuni di co iosse ore guhne ni bone. Roidi deko co hnedingone co aneludi ore numera bua, ne awane du buice ore guhne bua ne morow ci menenge ile. Morow bua me ile ri « liste supplémentaire », melei tangoko ma ci beredrone ko bone ha numu guhne ri hnoren'ore hna ieno omelei bone hna sibone.

• **Morow deko guhne ri so hna ieno hna sibone :** Melei co canga ibet co ule ne necen'ore hna ieno ni morow. Melei co numu eked yawe neil'ore hna ieno thu co ureie yawe ore ta nodei alaien me kabesi lew'ore ta hna ieno me numu guhne , Thubenelo co dai abuni ore ne cedi hnei hnaieno me kabesi.

Ore cedi hnen'ore hna ieno me kabesi melei ci ule ri ruenine sedonece n'ore driseba.

Ome ha rewon'ore sibo hnei morow, ngei me tho ko, melei hna ieno ni bone co kaio bone yawe ne xiwamomonelu yawe ore ta so alaien me kabesi osoten ni morow, ka melei thuni co cedi di du bua ri dan'ore ci okonelo kei hna ieno ri febuare.



## INFO +

### Ore ci xiwamomon'ore nodei alaien re ienon

Thubenelo hna ieno ri m'a ieno 3<sup>e</sup>, melei thuni co isse ore ieno ci ieno ruace, roidi co ruenine sedonge lo re rane kore kenereken ka hna ieno ri nodei hna ieno me waami caa pina ri 3<sup>e</sup>.

Ore « Contrat d'apprentissage » melei pepa re ieno ruace, melei pepa re ruace, morow ha deko yawe ma ile ri hna ieno, bone ha inom'ore nodei ci ruace.

Ore ci rue ieno ruace melei ci numu gula ezien ci ieno ri m'a ieno ka se gula ezien ci ruace. **Ngei ma cange pina ri rewon'ore tinion'ore cekol, melei co canga ibet co cengo ruace me icojeu neil'ore ieno ne ruace hnei morow hna ureie.**

Bua thuni co hue co ule « CFA » cange me 'Point d'apprentissage » (7) son'ore co ie hmaiaionelu ri pon'ore ieno canga ruace hna ureie. Hulu ngei buice thuni co kanone du bua ore ta yelen'ore nodei ne m'a ni ie ruace me thuni co kedi morow bua, ne thuni co konekatu bua joko co cengo ruace.

Nodei rane hna si ne numu ta eked ci nunuon hnei CFA son'ore ta hneng ni bua ne morow bua ri kenereken.

**Ngei me ko roi hna hna kedi morow bua kore aca ruace, melei aca ruace ci canga siane joko du « CFA » son'ore bane acikacen'ore guhne ni morow bua.**

**Deko ci ureie ore ieno lene ri « AFFELNET » ri « CFA », ke roidi thuni co acikacene roionelu ri pepa « Fiche de dialogue » ne pepa « Fiche AFFELNET Post -3<sup>e</sup>, ore alaien ruace ci ienone.**

Bane konekatu bua, thuni co ule ne « Conseiller d'orientation psychologue » ni ma ieno ni morow, omete kei « CIO » i Numea, neilek'ore ta so m'a ruace ni bone<sup>8</sup>.

<sup>7</sup> Point Apprentissage - 14, rue de Verdun - BP M3  
- 98800 Nouméa, Tél: 24.69.49 - <http://www.apprentissage.nc>

<sup>8</sup> Koné, Poindimié, La Foa, Lifou

### AFFELNET ne nodei dadene me se pengen ko : Morow hna dedebuti lene ri nodei pengene ko :

Numu eked kei buice ore ehna necen'ore so hna ieno son'ore co ruace seseon'ore nodei sibo ni ehna morow me numu ta uedr ri gula hnengome ngei, melei ci sia buice jew'ore so hna ieno re ieno ruace so.

Ore so pepa hno morow co kokononeko hnei rekhan, nodei naca ieno ne nodei droketra n'ore hna ieno n'ore morow.

Ore so pepa ci kanon kei hna ieno ni morow, hale me kokononelu kei rekhan, thubenelo melei ci sianedi du « vice-recteur », kei necen'ore hna ieno.

### Ta nodei yeno osoten

Ngei me ci alane co ieno di ri ta so hna ieno obot, wen'ore ci ceja hnameneng, cange me alaien ni morow deko ci ienone ri so hna ieno eje ko ome ri node, melei co canga ie ahnga ibetuon du hna ieno ni morow, thu co ule di ne ethanata netitonedi hneil'ore hna ieno me kabesi, thu co ahnga joko kore so rane re ieno ne korion kore co rue ore ta so pepa.

Melei deko ma ekowesese neil'ore so rane re ieno ni eje ome, roidi ci rue di cekol eiprel ne mei.

Bane kan : [www.ac-noumea.nc](http://www.ac-noumea.nc).

### Ci yewe yawe co rue yeno ri hna ieno

Ngei me ci alane co ieno ruace cange me co ieno yawe, melei son'ore ehna morow so me 16 (ruenine sedosa)jew'ore 25 (sarengome sedong)kore kenereken ka ci alane yawe co ieno ri hnoren'ore hna ieno.

Ore so pci sibone yawe co okonelo co ieno ri kenereken 2018, melei co ule ne "CIO" thu co ruaconedi neil'ore « vice rectorat », ri pon'ore co hue lewe ore hna awane ri « AFFELNET » .



SONORE ORU

SA KORE LEN...

NODEI IENWEN...

# Bane laekhan'ore rue ieno



## Centre d'Information et d'Orientation à Nouméa

10, rue Georges Baudoux

BP 500 - 98845 Nouméa

Tél. : 26 61 66

<http://cio.ac-noumea.nc>

Email : [cio@ac-noumea.nc](mailto:cio@ac-noumea.nc)

### Sans Rendez-vous :

- Du lundi au jeudi de 8h à 11h30 et de 12h30 à 16h.

Et le vendredi de 12h30 à 16h.

- Pendant les vacances scolaires de 8h à 11h et de 12h à 15h.

- Fermeture annuelle (dates à consulter sur [www.ac-noumea.nc](http://www.ac-noumea.nc))

<http://cio.ac-noumea.nc>

### Sur Rendez-vous :

#### Antenne de La Foa

Au collège public de La Foa

Tél. : 44 33 04

Email : [cio.lafoa@ac-noumea.nc](mailto:cio.lafoa@ac-noumea.nc)

#### Antenne de Poindimié

Au lycée de Poindimié

Tél. : 42 32 01

Email : [cio.poindimie@ac-noumea.nc](mailto:cio.poindimie@ac-noumea.nc)

#### Antenne de Koné

Au collège de Koné

Tél. : 47 37 99

Email : [cio.kone@ac-noumea.nc](mailto:cio.kone@ac-noumea.nc)

#### Antenne des îles

Au lycée des îles

à Wé, à Lifou

Tél. : 45 18 90

Email : [cio.iles@ac-noumea.nc](mailto:cio.iles@ac-noumea.nc)

## Vice-Rectorat de la Nouvelle-Calédonie

[www.ac-noumea.nc](http://www.ac-noumea.nc)

Immeuble Flize - 1, avenue des frères Carcopino

BP G4 - 98848 Nouméa CEDEX

Tél. : 26 61 00 - Fax : 27 30 48

<http://www.ac-noumea.nc>



## Académie des Langues Kanak

29, rue Georges Clémenceau

BP 274 - 98845 Nouméa CEDEX

Tél. : 28 60 15 - Fax : 28 60 35

<http://www.alk.gouv.nc>

[onisep.fr](http://www.onisep.fr)

## Le site de l'ONISEP :

<http://www.onisep.fr>